

Monday, September 29, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

GST : TAXATION

Kumin August thla khan Mizoram sorkar chuan Taxation department kaltlangin chhiah chi hrang hrang cheng vbc 73 a hmu a, sorkar kum kal meka chhiah a hmuh tlem ber thla a ni.

GST atangin August thla vek hian cheng vbc 63 hmuh a ni a, kum 2 leh thla 5 chhunga GST atanga Mizoram sorkarin chhiah a hmuh tlem ber dawttu leh kumina GST atanga chhiah a hmuh tlem ber thla a ni bawk.

(Voice cast - Correspondent)

Mizoramah kum 2023-24, 2024-25 leh, kumin 2025-26 kal mekah hian sorkar chuan GST atangin chhiah engemaw zat a hmu tawh a; hemi kum 2 leh thla 5 chhung hian sorkar chuan GST a hmuh tlem lai ber chu September 2024 kha niin, cheng vbc 61 a hmu a ni. Kumin sorkar kum kal meka thla liamta August thla khan GST-ah hian cheng vbc 63 hmuh a ni a; hei hi hriat theih chinah kum 2 leh thla 5 chhunga GST atanga sorkarin chhiah a hmuh tlem ber dawttu a ni.

Taxation department Monthly Achievement-in a tarlan danin, sorkar kum kal mekah April atanga August thla chhung khan kau hrang hrang atangin Mizoram sorkarin chhiah cheng vbc 568 a hmu a; a hmuh tam ber thla chu April thla kha niin, vbc 179 a hmu. Chhiah a tlem ber thla chu thla liamta August kha niin, vbc 73 hmuh a ni.



GST REFORMS

Sorkar laipuiin September 22, 2025 atanga India ram puma GST rate thar a hman hnuah nitin mamawh engemaw zatah thil man a tlahniam a, chu'ng zingah chuan naute mamawh (diaper/ napkin) pawh 12% atangin 5%-ah tihhniam niin, heihi nu leh pa tam tak chhawk zangkhaitu a ni mek.

Akashvani Aizawl chuan mi hrang hrang a kawm kualnaah diaper hmang naupang neite chuan GST hniam avanga online-a diaper an chah thin chu a man a tlawm tawh thu leh an lawm thu an sawi a; online-a naute diaper chahtute sawi danin, tun hmaa diaper an chah thinte chu tunah chuan Rs 300 velin a man a tlawm tawh a ni.



MIZORAM POOR FEDERATION

Mizoram Poor Federation chuan Chief Minister hnenah vawiin khan lehkhah thehlutin, sorkar hna thenkhat pawl 10 pass chin dilh theih tura tihte chu pawl 8 pass chin dil theih tura tihnam turin an ngen.

Mizoram Poor Federation chuan Chief Minister hnenah hian khawsak harsatna vanga pawl 10 zir thleng phak lo ten Police leh Excise constable-te bakah department hrang hranga Group D leh driver hna lak turahte hna an dil ve theih nan ruahmanna siamsak turin an ngen a; Chief Minister hnena an thil ngen hi Home Minister hnenah pawh an lo thlen tawh thu an sawi.

Byte - Mizoram Poor Federation President (1)

Mizoram Poor Federation hruaitute chuan vawiin khan Aizawl Press Club-ah thuthar thehdarhtute an kawm a; Mizoram Universal Healthcare Scheme leh CM Special Package-a sorkar hmalakna fakin, Synod Hospital-in MUHCS a zawm tur hu miretheite tan thil lawmawm tak a nih thu an sawi.

Mizoram Poor Federation President Pu Lawmthanga chuan, Health Care chungchangah hian sorkar kaltate laka miretheite beiseina a bo hnuah ZPM sorkarin Mizoram Universal Healthcare Scheme (MUHCS) a duang chu miretheite tan a thawnven thlak thu te, Synod Hospital a thuneitute leh sorkar inbiakna chuan rah tha tak chhuahin, Synod Hospital-in MUHCS an zawm tur chu miretheite tan thil lawmawm tak a nih thu Pu Lawmthanga chuan a sawi a, Synod hotute leh Synod Hospital hnenah thinlung taka an lawmthu a sawi a ni.

Byte - Mizoram Poor Federation President (2)

ZPM sorkar chu miretheite thleng phak leh miretheite political ball-a hmang ve lo an ni-a sawiin Pu Lawmthanga chuan, Hand Holding Scheme hnuai CM's Special Package chu theli bik nei loa mirethei leh mamawhtute thleng phak a nih thu a sawi.



DRUGS SEIZED

Mizoram hmun hrangah tunhnai khan Mizoram Police leh Central YMA ten Ruihhlo tam tham tak an man.

Saitual Police Special Team te chuan september ni 25 zan khan Saitual Bypass Champhai kawnga lirthei an enfiah na ah Methamphetamine, Kg 11 chuang cheng nuai 147 man hu chu, Lalthlengliana (kum 39) leh Lalthansanga (kum 33) Zokhawthar, Champhai mi ve ve ni a inchhalte kut atangin an man a, September ni 24 khan Special Narcotics PS leh CID SB joint team te chuan Zemabawk East, Aizawl-ah Heroin, gram 127 cheng nuai 3 sing 8 man hu chu Lalruattlingi (kum 33) Phunte, Falam District, Myanmar hnen atangin man a ni baw.

Champhai Police pawhin September ni 22 khan Khankawn Check Gate-ah Ngunneihmawi (kum 50) Falam, Myanmar hnen atangin Heroin, gram 119 man in hei hi cheng nuai 3 sing 5 sang 7 man hu a ni a, September ni 23 khan Champhai Zote ah Lalpekthuama (kum 30) Seling hnen atangin Heroin, gram 36 cheng nuai 1 sang 8 man hu chu Zohmingthanga (kum 34) Electric Veng, Champhai hnen atangin an man baw.

September ni 23 vek khan Zokhawthar Police leh 14th Assam Rifles tangho chuan Indo-Myanmar Border Gate Zokhawthar-ah Myanmar lam aṭanga tarpaulin hring thleh kenga lo lut mi pakhat chu ringhlelin an check a, amah hi mipui zingah lo bibo hman mahse a tarpaulin ken ah hian Heroin, gram 58 man sakín hei hi cheng nuai 1 sing 7 sang 4 man hu man a ni a, Amah hi a hnu ah Lalthlanpianga (kum 26) Neuva Section, Zokhawthar a ni tih hriat chhuah a ni.

Central YMA hnuai CADS pawhin September ni 20 leh September ni 26 inkar khan No. 4 : Hawng - 3, Tictac bur – 127 leh damdawi thahnem tak an man a, Ruihhlo kaihnhawihah hian mi 44 an man tel a, Counselling mi 23 hnenah pek niin Excise and Narcotics kutah mi 2 hlan niin Home ah mi pakhat dah luh a ni.



SEVA PARV

Mipui rawngbawl leh sorkar inrelbawl na tha tih thupui a hmangin Prime Minister Narendra Modi sorkarna hnuai ah kum kalta chhung khan hmasawna kawng hrang hrangin kalpui a ni a.

Tun tum Seva Parv hunah chuan kum 11 chhungin Prime Minister Narendra Modi sorkarna hnuai hmalakna te han tarlang ila..

Ram chhungah hmasawna ruhrel a thlen theih nan kum 2021 khan PM GatiShakti National Master Plan kaltlangin kawng hrang hrangin hmalak a ni a. He hmalakna kaltlang hian ram chhungah ministry leh department hrang hrangten hmasawna an neih theih nan hmalakna kalpui a ni.

